

302 EXPLICATIO AT

dere est, qui veteres statuas asserunt, & mentionit Macrob. lib. 1. Satur. c. xix. nam sationi, & generationi penem attribuebant, ut ex Porphyrio tradit Eusebius ill. de Præp. Euang. Obseruat etiam Plutarchus quæst. Rom. xxviii. eos qui Herculem iuraturi essent, sub dio prodiisse. id quare institutum, suprà indicauimus. quum de Baccho loqueremur. De illorum etiam opinione verba habuimus, qui Solem ex igne conflatum esse dicebant. quod fortassis occasionem fabula dedit de Oeteo rogo, quo combustus Hercules ad superos ascendit, ideoque dictus est Iuuenali Sat. xi.

flammis ad sidera missus. quod & elegans Antipatri epigramma innuit de Baccho, & Hercule:

Αμφίπεροι Θύνης, καὶ ἀμφίπεροι πολεμόι,  
οὐδὲ Κύκλων. θύρσῳ δεινός, οὐδὲ ρόπαλῳ.  
Αμφοῖν δὲ στήλαι σωτέρμανες, εἰκελαὶ δὲ σπλαχνοὶ.  
Νεκροὶς, λεφοτῆς; κύρισαλαὶ δὲ, πλατάγη.  
Ηρηὶ δὲ αμφίπεροις χαλεπὴ θεός. οἱ δὲ Στόλοι γαίης  
οἱ Ηλιοὶ ἀθανάτους οὐκ πυρὸς αμφίπεροι.  
id nos olim ita latinum fecimus:

Ex Thebis ambo, Jove nati, prælia amantes:

Hunc thyrsi, hunc clavæ pondera ferre iuuat.

Parq; columnarum positus, par cultus in armis.

Hic cerui exuuias, ille leonis habet.

Vtrique æra crepant: Juno graue numen utriusque:

E terra ad superos ignis utrumque tulit.